

18
19
20
21
22
23
24
25
26
27
28
29
30
31
32
33
34
35
36
37
38
39
40
41

子元錄茶器城南宋古博記


款識一卷



古391.30
885

淮安北門城樓全
德奉大鐘款識一卷

附淮安學元鑄祭器城南宋古磚記



淮安山陽丁晏著
連平顏培瑚署檢

壬寅夏六月建平龔書舸權山陽篆請于大府以淮
郡舊城傾圯鳩工葺治之屬邑紳丁儉卿韋竹坪周
木齋陳亦韓劉慎修張香城汪松臯陶灼芙何濯波
琴岩昆仲凡十人任其事歷二年所用力綦勤寒暑
靡間甲辰夏重建北門城樓樓舊懸大銅鍾重加拂
拭金光爛然鍾有款識鑄于金天德三年當南宋紹
興中葉幾七百年矣山邑金石之文唐楚州石柱外
此爲最古石柱在山陽學戟門乾隆初吳山夫學博
修志始詳載之而鍾銘未及甄錄儉卿好古多聞詳

考時事箸于篇以補志書之闕而鍾于是乎俾矣抑
因之有感焉淮安南北交衝宋金時爲重鎮中州集
有金劉無黨詩淮安城壁空樓櫓風雨半摧雞糞土
又修城行云淮安城郭真虛設父老年前向余說築
時但用雞糞土風雨卽摧乾更裂當時戎馬交爭築
城之惡可見矣今幸際


熙時諸君子不憚勞勩保衛枌鄉矇金庀材務取堅
實視南宋之銀鑄城差相侔焉復於城南建龍光閣
崇閣秀麗甲于一方孰謂後人不如前人哉余寓是

邦十餘年親見修城之役心甚佩之鍾之顯著適當
是時諸君子之精誠將與貞石吉金共垂不朽爰爲
序引質之儉卿知余言之不誣也

道光二十四年歲次甲辰秋七月甘泉毛夢蘭序

楚州復見銀鑄城北樓突兀來鐘聲海天萬里橫
鯨是何神鬼工位置當年掬自羊山寺三鑄而成始
稱異此鐘戛擊伊何人金源貴族邗州軍二百卅字
銘嶙峋背龜軍散空樓櫓蕪藜遍城頭奔風雨仍
摧雞糞土此鐘閱韻七百年今逢拂拭光爛然戟門
石柱爭流傳丁生作歌一何激知爾摩娑意無極蒼
然仰視浮雲白

年愚弟宜黃黃爵滋題



大金天德歲次辛未九月戊戌朔十四日辛亥



邳州陽山普照禪寺鍾銘并引

陽山寺鍾自撫定之後凡三鑄矣前太

下闕 肅

公住持名和尚平和尚皆力經營

闕 成

而一不就一就而聲嗷不揚人不敢

闕

加古都統鎮國夫人隋滿氏顧而

闕

謀克敦武謝秉讓都孔目官馬棗觀

下闕

施不

日而銅集及鑄之辰太守夫人集同知安遠高公副

統武德李公軍判李公文林下邳縣令蒙括敦信并

千戶謀克蒲里衍軍官等衆親臨觀焉一鑠卽成聲
韻鏗橫大衆欣然知太守之德無幽不感而今長老
超公和尚慈力誠願亦有以扶持之也乃作銘曰
洪鍾三鑄待今乃成以誠感幽惟太守明鏗然發韻
和暢而橫聞者肅警人無爾清厝之陽山億年永鳴

金源郡夫人隋滿 沙彌

鎮國將軍邳州都統闕 軍開國侯加古 裊輦第一

鄭下闕 賁

吳說成祐 崔興宜 侯君

忠武馬和 忠顯薛宏 敦武 敦武

謀克 謀克張

敦武張福 敦武馬 敦武趙 金文

克 威將軍王信 昭信張公如敦武李 敦武

振威將軍管押邳州路軍兵上騎都尉開國子千戶

劉 郭 李 高 民

保義 保義李

張 保義王愈 保義 敦武盧

敦武王濟 敦武盧 保義胥 保義

校尉權千戶孫

同緣何氏

武德將軍管軍

闕

司統押邳州縣令

李相

第

同緣蔣氏

僧祖堅

僧勒

縣軍

上闕

郭

楊文迎

敦武韓

敦武柴思

長元

敦武史

保義劉

保義李

謀克李貞

敦武孫孝卿敦武韓興民

敦武馬

敦武呂

信威將軍邳州

闕

管押

京路軍兵千戶阿典胡刺

司

闕

史福

敦武高

外兒

邢璋

和尚

敦武劉

敦武張

敦武李万葛

闕

胡景

盧興福

敦武石福

敦武

敦武謝秉讓

曹

李嗣

武德將軍金信張廓忠顯盧衝保義

闕

敦武宋相

宣威將軍管押軍兵千戶烏延

合觀

高文

下闕

敦武李

張忠仁蔡京

孫

闕忠

加古

阿典

加古祥

闕

敦武衡舜英敦武沈全

敦武張 敦武王興 敦武張壽

謀克 武義將 信盧 武功王寶藏

州軍兵 加古 此一行闕僅存數字 第三段

忠顯校尉巡檢 闕 騎尉温 斌

忠顯校尉主簿武騎尉高抄里

敦信校尉縣令飛騎尉蒙括 胡煙

徵事郎司 張來

司法叅軍隨琳

承事郎司理叅軍張庶 闕半字

文林郎邳州軍事判官李昭

廣陵郡君李氏

安遠將軍同知邳州軍事輕車都尉下邳縣開國侯

食邑三百戶高暉 第四段

皇帝萬歲 重臣千秋

國泰民安 法輪常轉

孔目官馬 另二行

敦武校尉謝

同緣薛氏 又另三行

超僧 祖堅

守僧 善勤

刻字匠人王用 又另二行

鑄鍾匠人韓齡并男祐

晏案鍾刻金天德辛未邳州陽山普照寺金海陵
天德三年辛未宋高宗紹興二十一年也書加古

都統鎮國夫人陁滿氏後題金源郡夫人陁滿鎮
國將軍開國侯加古案金史百官志凡白號之姓
有完顏陁滿蒲里諸氏皆封金源郡是貴姓也史
稱郡公母妻封郡公夫人志稱從三品下鎮國上
將軍陁滿卽加古之妻故稱鎮國夫人加古蒙括
蒲里烏延皆部族之姓金史烏春傳有加古部烏
延部章宗紀國子司業蒙括仁本百官表有蒲里
迭表又有裊頻加古下有裊輦亦其名也其所列
官制有武騎尉飛騎尉志稱從七品武騎尉從六

品飛騎尉又有安遠將軍輕車都尉振威將軍上
騎都尉宣威將軍武德將軍武義將軍信威將軍
志稱從四品上安遠大將軍從四品輕車都尉正
五品上騎都尉正五品中宣威將軍從六品上武
義將軍正六品下武德將軍金志都統制府左右
領軍大都督將三十二有建威震威信威等號振
威卽震威皆都統之屬官也鐘有謀克敦武忠顯
保義昭信忠武官名選舉志有都將謀克初考女
直人遷敦武校尉百官志正七品下忠顯校尉昭

信校尉從七品上忠武校尉從八品下敦武校尉
正九品上保義校尉軍官之小者也有徵事郎
承事郎文林郎大金國志正八品列文林郎承事
郎百官志從八品上徵事郎皆邳州官屬也鐘有
阿典胡刺百官表阿典封廣平郡國語解姓氏阿
典曰雷亦族姓也列傳守能名胡刺宗望子文本
名胡刺皇統間授世襲謀克海陵立賜錢二萬貫
或同姓名未必爲一人也此鍾成于辛未距岳武
穆之歿已十年武穆被害于辛酉金皇統元年宋

紹興十一年也是時奸檜猶居相位進封建康郡
王子熺加少師越四年乙亥不詳金貞元三年
宋紹興二十五年也自天德辛未迄今甲辰計六
百九十三年而鐘銘始著物之顯晦亦有時歟鐘
上有皇帝萬歲重臣千秋國泰民安法輪常轉十
六字陝西淳化縣金大定二十九年雲寂院鐘上
有皇帝萬歲臣佐千秋韓城縣金承安四年圓覺
禪院鐘皇帝萬歲臣佐千秋風調雨順國泰民安
乾州金明昌三年武亭鐘皇帝萬歲臣佐千秋國

泰民安法輪常轉當時鐘款多如此亦祝釐之意
也康熙中淮安舊志邳州海州睢寧沭陽宿遷時
俱屬淮安府舊志寺觀邳州治南一里羊山寺明
成化七年改爲宗善禪寺志藝文有蔡紹科邳徐
巡竣登羊山寺堤上詩卽陽山寺陽羊字音之譌
耳乾隆初府志古蹟有靈鐘云在舊城北門樓上
相傳西湖未涸時每風雨夜舟人輒聞湖心鐘聲
土人因伺之見二巨鐘浮鬪水面告于官獲其一
懸于北門城樓擊之聲聞數十里考此鐘出邳州

僧寺邳本屬淮金時所鑄移置郡城或爲洪流所漂亦未可知作志書者不辨款識漫云靈鐘何其疏也因詳考其時世以告後之修志乘者

又案說文鍾爲酒器鐘爲樂鐘今款識作鍾古多段借通用韓勅孔廟禮器碑鍾磬瑟鼓是漢隸亦作鍾也云聲嗶不揚玉篇口部嗶所訝切聲破老子終日號而嗑不嗶釋文嗶氣逆也又云厝之陽山漢書地理志晉灼注厝古錯字

淮安府學元鑄祭器錄

至元大銅尊一

安東州學禮器至元二年□□□學陽盛復造監工時大有

晏案元史地理志淮安路安東州下續文獻通考宋安東州治漣水元省縣以州屬淮安路至元二年宋度宗咸淳元年乙丑當南宋之季元猶未一統也

至元銅壘下盤一

上闕 崇智闕 典史馮彥遇至元四年五月鹽城縣儒

學闕

晏案元史地理志淮安路鹽城縣上元世祖至元四年南宋度宗咸淳三年丁卯至十六年宋帝昺亡

大德銅壘三

淮安路總管提調學校官郭浩造教授楊曲成學正葉林張邦獻學錄衡應卯直學盛炳掌器朱華發大元大德六年造

大德犧尊二

淮安路官名同前

大德銅劍二

淮安路官名同前

大德銅豆三

淮安路官名同前

晏案元史百官志諸路總管府上路秩從三品地理志淮安路至元十四年改立總管府領山陽鹽城淮安淮陰新城清河桃園七縣設錄事司大德

六年元成宗大德壬寅歲也距今甲辰歲已歷五百四十二年郡庠祭器鑄自元時者爲最古其文字皆篆體銅質精堅雲雷紋極工細今尙存數十器餘多嘉靖時淮安知府趙大綱造不悉錄也

延祐銅尊下盤四

淮安路鹽城縣官達魯花赤黃頭縣丞杜肯播縣丞李晏主簿忽都答兒典史楊楨儒學監造陳溜王鼎新延祐三年二月吉日造

晏案元百官志上縣秩從六品達魯花赤一員丞

一員簿一員典史一員延祐三年元仁宗延祐丙辰歲也

至正象尊一

提調官淮安路總管姚口口同知李中憲判官承信推官牟承直張承務經歷李承事知事孟登事照磨侯將仕監造司主天驥醫學教授王庸學正馬元良學吏王德仁陰陽教授姚景星官醫提領子輔所吏張德林耆醫等至正丁亥歲次八月良日府委監造醫學錄趙友信同學委醫戶夏良與謹題

晏案元百官志諸路總管一員同知判官各一員
推官二員掌治刑獄經歷一員知事一員照磨兼
承發架閣一員醫學教授一員陰陽教授一員又
諸路提舉司知事一員從八品照磨一員從九品
志稱至元二十六年置總管府提領所二十五安
東州每所各設提領一員所吏卽提領所之吏也
志又稱官醫提舉司掌醫戶差役詞訟是元時有
醫戶之名至正丁亥元順帝之七年也

至正銅爵二十九

監郡忽里仁太守洪柱海彌實教授李遵憲學正王
崇德學錄張思敏至正庚寅歲淮安路儒學

晏案百官志儒學教授一員秩九品學正一員學
錄一員順帝至正十年庚寅併下銅爵皆一時所
造也

至正銅爵一

至正十年十月

日淮安路錄事司儒學教諭胡

致瑞捐俸置造

晏案百官志錄事司秩正八品凡路府所治置一

司以掌城中戶民之事以上范銅祭器皆在淮安
郡庠元時故物歷五百年矣乾隆初府志元代職
官篇帙寥寥此銅器中官制頗詳故備載之以補
志書之闕

至正蓮華寺大銅爐一

今在府學

邵武路儒道坊信士黃善應叶室上官妙懿喜捨鑄
造香爐永充大佛寶殿供養至正八年戊子孟冬蓮

華寺住持永昌謹誌

爐口橫刻

大河衛助緣信官瞿法宣施財義官沈應連沈忠吳
浩比正善口法亮

小字橫刻在上口

至正蓮華寺大銅瓶二


瓶下座橫刻有字在府學

邵武路蓮華院住持永昌募眾緣鑄造花瓶永充大
殿供養至正戊子歲十月吉日稽首謹題

晏案元地理志邵武路領縣四邵武光澤泰甯建甯卽今福建邵武縣也蓮華寺爐瓶不知何時移置此地上有大河衛小橫字似是後刻明洪武二年改淮安路爲淮安衛又設大河衛指揮使上距至正八年戊子凡二十年器成於元末至正鑄自閩中明初吾鄉大河衛人購以奉佛其何時安置郡庠則不可考矣爐缺一耳瓶凡三截高二尺許銅質精好隱起雷紋青綠如翠埒箸之以存古也

移相哥

大王印





淮安府城南宋古軌記

壬寅夏脩葺淮安郡城當事屬余董其役歷今甲
辰夏凡二年而工將竣余所見舊城古軌皆真書
橫刻陽文隆起楷法端勁南宋時物也備記左方
并加攷證好古之士庶有取焉丁晏謹識

楚州軌 己酉

晏案楚州之名始于唐新唐書地志楚州淮陰郡
宋楚州山陽郡屬淮南東路己酉蓋宋高宗建炎
三年也宋史高宗紀建炎三年金人犯楚州以韓

世忠爲御營使司提舉一行事務前軍統制世忠自鹽城收散卒赴行在以世忠爲武勝軍節度使御前左軍都統制六年除京東淮東宣撫處置使兼節制鎮江府仍楚州置司初世忠移屯山陽徙屯鎮江世忠在楚州十餘年兵僅三萬而金人不敢犯此軌上刻楚州又書己酉蓋當南宋之初斲王鎮楚州時造

本傳世忠築高郵城疑一時所製

建炎三年己酉

迄今甲辰歷七百十有六年矣

武鋒軍軌

晏案宋史陳敏傳孝宗卽位張浚宣撫江淮奏敏爲神勁軍統制改都督府武鋒軍都統制乾道元年分武鋒爲四軍升敏爲都統制四年敏言宜先修楚州城池楚州爲南北襟喉彼此必爭之地乃詔與楚州守臣左祐同城楚州祐卒遂移守楚州北使過者觀其雉堞堅新號銀鑄城再除武鋒軍都統制兼知楚州孝宗紀乾道三年武鋒軍都統制陳敏上清河戰守之策六年知楚州城李火性傳通判楚州謂楚州實晉義熙間所策最堅是楚

州始築于東晉安帝義熙時至南宋乾道四年迄六年陳敏葺治堅新武鋒軍正敏之官名也

建康都統司執 提點將官葉良嗣作

建康都統司執 提點將官柳世昌作

晏案宋史職官志建炎初置御營司擢王淵爲都統制名官自此始其後興元江陵建康鎮江府皆除都統制兵志建康都統司靖安水軍孝宗紀乾道三年以永豐圩田賜建康都統司又職官志提點刑獄公事舊制參用武臣乾道六年詔諸路分

置武臣提刑一員執刻提點將官是兼用武臣也
憶癸未年六月山陽縣學重建明倫堂壞牆得古
軌上有建康都統司五字盛廣文大士拓以遺余
楷法精好與此軌同皆一時所造也

楚州副都統軌

晏案宋史孝宗紀詔諸軍復置副都統制職官志
乾道三年江上都軍各置副都統一員兼領軍事
亦使主帥不敢專擅因言副都統制磚刻楚州宋
志言都統制以屯駐州名冠軍額之上是也

建康府軌

晏案宋史地理志江寧府上縣五上元江寧句容
溧水溧陽天禧二年升爲建康軍節度建炎三年
復爲建康府統太平宣徽廣德卽今之省城也錢
氏大昕金石跋尾云建康府軌嘉慶庚申瞿生鏡
鑄于號舍壁間得之書法道美頗似思陵御筆景
定建康志建炎三年四月上如江寧改爲建康府
則爲南宋時刻無疑

鎮江前軍軌

鎮江後軍軌

鎮江左軍軌

鎮江

右軍軌

制勇軍軌

晏案宋史韓世忠傳以世忠爲浙江制置使守鎮
江世忠以前軍駐青龍鎮中軍駐江灣後軍駐海
口鎮江諸軌疑皆斬王時搏埴也兵志前軍右軍
中軍左軍後軍以上七軍並中興後置建炎後諸
屯駐大軍武鋒精銳敢勇忠勇鎮江左軍彊勇前
軍彊勇右軍鎮江駐劄御前水軍此制勇軍謂都
統制之勇軍卽忠勇彊勇之類也

鎮江遊奕軍軌

晏案宋史兵志馬軍行司新軍自神策選鋒軍左翼軍右翼軍摧鋒軍遊奕軍前軍右軍中軍左軍後軍中興置皆南渡後之軍制也

采石水軍孰 壽春前軍孰

晏案宋史李光傳江浙為根本之地使進足以戰退足以守者莫如建康其隘可守者曰礪砂夾曰采石曰大信兵志太平州采石駐劄御前水軍地理志壽春郡紹興三十二年升壽春為府以安豐軍隸焉即今之壽州也當時修城造孰不止一處

建康鎮江采石壽春沿江沂淮舟運亦易其存于今者尙可考其地名也

淮安州孰 安東州孰 漣水軍孰

晏案宋史地理志楚州繫山陽郡熙寧五年廢漣水軍以漣水縣屬州元祐二年復為漣水軍紹定元年升山陽縣為淮安軍端平元年改軍為淮安州此孰皆南宋時造也

新安軍孰


晏案孰文四字橫書反寫宋史地理志淮安軍本

泗州五河口縣一五河卽今之五河縣非淮安郡治之地也陳氏經求古精舍金石圖有宋元嘉六年孰太歲乙巳磚皆反文或模範背印故其文反出也

右孰皆修城時所見南城高岡掘地得銅蒺藜數十箇稜角有四中有眼可穿繩銅出土深綠色磨以砂石知爲銅也宋史兵志有火蒺藜并澣百金方有安營鐵蒺藜又有鐵菱角形製相似兵書所云徑寸之鋒躡千里之馬足以銅爲之精且堅矣

當時宋金駐軍于此遺入地中至今猶有存者又淮人掘地多得瓦瓶大如甕盎小口細頸肩有兩鼻可穿土人稱曰韓瓶謂韓蘄王背嵬軍瓶也宋史韓世忠傳師還建康置背嵬軍勇鷲絕倫上堪人胷下斫馬足范石湖云燕中謂酒瓶爲嵬其大將酒瓶皆令親隨人負之故號背嵬今韓瓶或用以貯水如古汲水軍持吾鄉人得之以蒔花草色鮮不枯下生根鬚蓋入土年深窯火性退今人皮閣收藏競相葆貴矣埵記于此亦南宋時故物也

道光二十四年歲次甲辰山陽丁晏記



高麗古鼎歌

淮安府署東報恩寺康熙舊志稱唐征東時得於高麗宋世賜本寺鎮壓

儉卿埒刻

朱蒙韎韐征不庭鐫功勒石遼州城含元唐殿受俘
寶中有古鼎盤螭形嵌空儻薩雕精絕豕腹彭亨雲
蓋缺鬪回駭犖斑殷紅猶似句驪戰時血鄭公人鏡
嗟淪亡勤兵遠畧貞觀荒樂浪元菟拓邊土汾陰獲
瑞思漢皇佞臣世勤真覆餗和羹只有褚與房抗表
泣諫若鞋塞至今亡耳悲滄桑鼎兩耳皆缺隋兵征役哭
未已又驅戰卒九都岡白金部鼎亦已却胡為貫鉞

來東方天寒雪壓日無色安市班師悔何及當年碑
仆田舍翁此日祠陳少牢食死士三千斬萬級一鼎
之俘禍無極懺除惡孽歸祇園佛法慈悲長太息君
不見鼎上饜饜紋食人未咽殘其身

銅鼓歌

淮人浚河掘得之置山陽縣鹽河北城隍廟

儉卿埒刻

美鏐精揀來荆南从草作鼓金鑄劉鉦人考擊發洪
響闐鞀有似鐘聲鑷此物或云卧龍製未必西川形
肇始漢京溯自建武年南郡銅銘辨奇字隱旬軒磻
軍門開云何拋擲霾蒿萊一朝掘地露光怪如獲寶

鼎汾水湄寘諸廟貌馨薦血神明呵護元音諧銅丸
走撻赴嚴節蟠雲隱綠滋青落鹽河以北業渠展民
生富侈駢輿僮割牲受福通貯響揚抱雅奏宣殷雷
自從牢盆失恒產坐令萬竈無哀煤自淮北鹽務壞
居民失業十室
空九靈鼉偃卧海鯨寂惟有蛙部鳴堂階鼓兮鼓兮三
摩抄興衰閱歷汝孔多汝既不能上為敢諫鼓使院
登聞陳疾苦金心抱質暗無聲不如委棄沈泥土

元移相哥大王銅印歌

同治二年夏五月淮安新城掘得銅方印篆文移
相哥大王印六字背鐫蒙古書不可識可識者之
寶二字考元史宗室表有移相哥大王係烈祖之
裔孫也購而藏弄系之以歌

新城古鎮北辰坊大河繞郭黃流長上都崛起定一

統伯顏賜爵淮安王楚江直下沂漣水北城

郡志云北城卽

新城攻拔恢巖疆速哥圖籍收萬里鳳牌首輔同平章

云何相哥錫王號無乃佐命隨戎行范銅鑄印大如

斗雄風開國何泱泱仙源貴胄拓土宇維城宗子推
天潢羊兒紀年歷六百年河遷徙經滄桑南飛白鴈
已往事龍種遺蹟名猶彰方今螳賊烽未靖
天兵迅掃麾櫓槍金章相印應時出葆物安甯終藎
藏我拓此文貽好古虬蟠繆篆生奇光畏吾國書不
可辨識一寶字爲嘉祥蕩平海寓卜此日豈惟符命
徵淮陽

七十老人丁晏初草

北宋汴學篆隸

二體石經記

咸豐丁巳十月
南豐譚昶同署檢

北宋汴學二體石經記


南宋高宗御書石經今在杭州府學殘石尙存列於門廡至北宋汴學石經之佚久矣顧亭林石經考列開封石經之目實末之見萬季野石經考云宋石經集當時善篆隸者分書出諸名人之手乃後人皆不獲見而金人亦鮮有語及者豈此刻遭汴京之覆竟毀壞無餘耶是萬氏亦未之見也經義考已云佚竹垞謂沈于黃河淤泥之下杭大宗石經考異云石板之亾當在元末吾鄉吳山夫先生金石存有宋二體石經搨本祇周易尙書周禮共五碑李芝齡先生案語云碑在今陳畱縣僅存周禮卷一及第五中數石餘經悉亾蓋石刻之亾佚有年矣咸豐丁巳夏五月

余偶過書肆見墨搨石經殘破一束篆書一行正書一行此卽玉海藝文所云仁宗命國子監取易詩書周禮禮記春秋孝經爲篆隸二體石經刻石兩楹周密癸辛雜識所云汴梁太學九經石板一行篆字一行真書是也亟購以歸黏綴爲四大冊紙墨極舊乃元以前人拓本汴石刻之塵有存者洵人間之奇秘重可寶也暇日因取諸經覈對小有異同足資考證周易升困井革鼎巽未濟諸卦歸妹存上六一爻繫辭傳致寇至盜之招也一段大衍一節不全易共二十八紙升偕今作階革象治麻作厯與唐石經同和兌作味未濟辯物居方唐石經書辨多作辯尙書堯典冠以小序以後皆載書序堯典曰至欽若昊天止舜典曰至遏密八音止泰誓牧誓周書武成太甲洪範不全書序沃丁咸乂伊陟原命書共四十二紙石經協味萬邦今作和五典克从言曰从月之从星今竝作從五曰愨愨曰睿今竝作思又以皆作呂于皆作亏明皆作明罪皆作臯古字猶有存者柴望大告武成今作柴公劉克篤焄烈今作前石經柴焄竝依說文洪範我聞在簪今作昔蘇湮洪水今作墮明作晰今作哲案唐開成后經及劉三吾書傳會選皆作哲會選云哲之列反字與晰同當从日非說文日部哲昭晰明也从日折聲牧誓王左杖黃戊今作鉞釋文鉞本又作戊說文戊大斧也古只作戊又烏呼羣后作嗚呼羣後伊訓烏呼同漢書烏虜皆不从

口古文也毛詩斯千無羊載小序文備載笙詩由儀
等序鴻雁之什十章三十二章三百三十三句此依
毛詩鴻雁之什詩集傳依孔疏說分爲祈父之什不
同谷風蓼莪北山無將大車小明有頍者弁時邁執
競詩共二十紙石經載寢之牀載寢之地九十其犇
爾羊來思爾牧來恩或猷兮沱實維豐季小明啓我
往矣載離寒暑執競無競維裂奄有四方皆古字也
春秋昭十三年十四年十七年十九年二十年二十
二年二十三年經文殘闕春秋共二十四紙凡年字
皆作季宋華定華亥皆作華其正書皆小字一行比
篆書特小與他經不同蓋當時書者不出一人之手
宋史藝文志楊南仲石經七十五卷亦非南仲一人
之書趙克繼傳克繼善篆隸仁宗時詔書石經謝鮪
傳國子監立石經鮪善隸召爲直講宣和書譜章友
直閩人工玉箸篆嘉祐中與楊南仲篆石刻時人稱
之宋翌猗覺寮雜記本朝石經胡恢書恢金陵人善
篆隸葉適謂時方禁春秋學石經甫刻卽廢瑞安沈
彬老竊賂守者自摹藏之是春秋之學廢於安石賴
石經以傳之也禮記曲禮檀弓王制月令曾子問內
則玉藻樂記雜記經解坊記中庸表記閒傳三年問
鄉飲酒義禮記共二百十二紙曲禮舊考曰卒檀弓
服勤至死致喪三季季武子成寢自子息始也古不
備墓鄰有喪舁人棺槨會肉飲酒曰爲薑桂之謂也
主人澣衣練冠待于廟坐涕洟嫂叔之無服也魯禮

之末失也哭者吁滅有無惡乎亟斂晉足形醯醢百
鬯歛會衍爾欲人之弗得見也反壞樹之哉柏樟曰
端汰哉叔氏今作汰非唐石經衛氏集說竝作汰王
制公侯田方百里凡侯皆作侯上士倍中士下大夫
倍上士任事於後廢之廢人於朝公家不畜荆人山
川神祇有不舉者爲不敬月令毋漉陂沱今作池天
子乃鮮美開冰季萐之月日在閏天子乃亟命大尉
贊桀俊今作太非衛集說作大尉立炻之日詰誅曩
慢饗乃登穀謹壅塞以備水潦補城郭蠶蟲坏戶殺
氣漫盛以儆民事築戎路其器廉以淡行糜粥歛會
曾子問是逆古之禮而亂君瀆也賤不誅賢內則吉
者宿亟翰服寢門外佗人無事不往由命士曰下皆
漱澣宰告閭叟閭叟書爲二又某生而臧之其一臧
諸閭府州伯命臧諸州府今皆作藏悼行孝弟玉藻
乃履進歛宿亟戒書息對命樂記其愛心感者刑以
防其姦壹倡而三歎而反人道之正也知者詎愚五
刑不用禮樂刑政馬畿之萐山之陽而弗復築車甲
衅而臧之府庫會三老五更於大學雜記至於廟門
不毀牆寃服衾弁其布曰總中庸蔽祿可辭也得一
善則拳拳服膺表記人雖曰不嬰逾臣守味鶴之姜
姜鶴之賁賁開傳男子除兮晉三年問味壹之理盡
矣子生三季淡衣古者淡衣粵縫半下大學無佗技
鄉歛酒義升歌三終皆兼古體字凡敬字躬字皆餽
末筆迤北宋先世諱也周禮卷第一天官冢宰第一

序官內宰小宰女祝女史夏采周禮卷第二地官司
徒第二序官周禮卷第三大宗伯小宗伯大司樂司
凡筵守祧中車典路司右司隸周禮共二十八紙
人今作冪小宗伯告絜今作潔當从絜爲正孟子梁
惠王章句已下又於此有人至而輕爲仁義者哉又
有伊尹之志則可一節又詩曰不素餐兮至孰大於
是王子墊問一章仲子不義一章孟子共三十七紙
石刻予及女皆亾民欲與之皆亾願比死者壹灑之
今本皆作偕壹作一小異注疏校勘記孔本韓本竝
作皆亾考文古本孔韓本竝作壹灑之與石經合通
共諸經計三百九十一張每張八行每行十字約存
三萬三百字零宋史及玉海載仁宗石經無孟子而
此本殘石有之足補史籍之闕唐開成石經及經典
釋文俱無孟子汴學以孟子列於經是表章孟子自
北宋石經始也山陽丁晏記



丁儉卿封翁寄示賢郎頤伯農曹仲山中翰汁
宋石經并記一篇余時在都得縱觀之賦詩

以柬儉翁

道州何紹基子貞

昔年南北隨計吏訪古尋碑劇閒恣祥符陳畱兩縣
學誦觀二體石經字當時單車急馳走羶蠟無緣自
攜致數紙雖從帖賈收末由手拓窮精緻甲年來
成老夢百事荒涼從棄置今宵忽枉故人子翠墨持
示而翁寄三百七十有餘幅得自淮安破書肆易書
詩禮春秋經附庸孟子七經萃溯惟宣聖定六經古
文特秉周公制中興籀史屏不錄魯國儒書賴弗墜
臣斯敢以秦革周倉雅茫茫委荒翳慘到焚書萬古
無三代斯文真墜地桃源俎豆無處問孔壁金絲定

餘幾何怪中郎校石經止寫八分不求備先時浚長

正六書博采通人理羣類上通古籀成大宗李相斯

文多割棄秦刻石多與許不合知叔重自黃初三體

果嗜奇本邯鄲淳及衛覬惜哉入石止兩經凡造科

文相雜廁其古體石經止有尚書春秋五胡擾擾分謬

體有唐巍巍握神器昭陵繭紙寶俗書開成石壁對

同異雖然事有本末歧要知俱遠篆分意後蜀刻石

兼傳注翔實一更前代例莫嗤閨位孟知祥賢哉僕

射毋昭裔右文崛起宋雍熙應時果有徐常侍遠從

祭酒續遺緒特斥陽冰出新義傳及仁廟崇正學首

重篆文真楷配七經明列鬻序二體森森標職志

無如講義忽鬱興坐使奇古隋幽閔歐蘇文筆騁

雄峻周程學術真淵粹不聞論據到石經神物嗟從

何處避許氏遺書幸已傳徐家繫傳孤行世茲經寥

闕少人窺豈待渡江落胡騎打本都如鳳羽稀貞珉

那免牛角礪先生微尙在高密粹掌鏤心擘六藝精

誠所感經有神秘奧來逢天所賜零瓊碎璧不可舍

緘付賢郎勤誨示賢郎懼懼敬父執手編來破暖翁

醉暖翁經畬久不鋤粗識孺扁迷次第舊學溫尋四

十年靈光想象三千歲四日靈光其箕云雲與於烏

即此册中篆書其作箕云觸手撫掌古芬膩頗望時

髻略識字休競詞華忘典記幾時去泊淮浦舟與君

細翦寒鐙穗金石重探錢阮遺觚彝遠索商周邃江

上烽烟當漸息中天日月還重麗古篆不毀聖不死

禮樂可興經可繼莫驚此語迂且夸請讀山陽丁氏
新裝巨冊四

丁巳夏余得北宋二體石經寄都中何子貞太

史爲賦長歌依韻奉和

山陽丁晏

儉卿

蓬萊謫居香案吏壻扁奇書晚尤恣漢京古學何劭
公貽我長歌正名字八分束觀久已湮三體黃初頗
難致尙畱北宋撫殘碑古墨香凝潤光綴亭林竹垞
云佚亾汴京沈水嗟棄置吾淮山夫僅數紙陳畱古
帖何人寄我得經文三萬餘異寶琳瑯收市肆敬殷
缺筆諱先朝二體分行六經萃大書孟子刻成均表
章亞聖尊王制他山爲錯石可攻萬古斯文道不墜
自從五季尋干戈經典榛蕪棄叢翳綱淪法斲輟誦
馨豆剖瓜分爭掠地幸餘蜀石孟知祥馬鎬陳觀能
有幾成都壁經仿大和故訓毛公文悉備風詩箋註
多舛譌亥豕烏焉紛觸類春秋袞鉞零縑希視若弁
髦後儒弁張參元度小學微估畢書生妄闕覬景德
漆板傳失真繙刻麻沙陳雜廁天肇炎宋仁廟興朝
多賢輔瑚璉器歐陽集古蒐闕遺昌朝羣音辯同異
胡恢謝餽奉敕書雅故三蒼留古意荆公僞學廢麟
嫡裔宗漢乃有克繼名仙源趙宋天家侍紫望黃戊
祛俗書鴻範哲書非哲義南渡後刻武林存東京遠
接熹平配嗟乎老學炳燭明伏櫪猶懷千里志同仇
敵愾思報

君坏鑿而今跡淡閱僻徒泌水依衡門一任青蠅污
玉粹歸里終蒙


聖主恩復壁何須趙岐避感時風鶴尙驚心懷古神
馳嘉祐世平章政事韓魏公西賊膽寒摩虜騎吾友
何子詩貺余白首相知共磨礪衡才巴蜀玉尺量石
室文翁興道藝平反讞案結

主知元亮歸來

天所賜石交歷久終不渝揮灑千言肺肝示開緘雜
誦聲琅琅如飲醇醪心已醉高軒倘過半畝園重整
聿編釐次第榻書爲寫石經堂紀自

龍飛丁巳歲古誼鐵石盟忠肝擺落縉塵洗污膩去
年早曠荒硯出道殫流亾螽蟻記今年幸飽粗糲餐



喜見雙歧禾役穗腐儒差免吞紙飢草閣優游境清
邃欖槍誓埽海寓平離照中天日光麗寒冬何遜探
梅花夜飲觀書焚晷繼蘭臺勒石墓中郎卅字書丹
證年四




北宋汴學二體石經跋

儉卿先生于淮安書肆得北宋汴學石經殘字一束裝爲四大冊內有孟子三十七紙郵寄以示名灋考汴學刊石奉詔於宋仁宗至和元年畢工於嘉祐六年凡九經李燾續資治通鑑長編嘉祐六年六月庚申賜草澤章友直銀百兩絹百疋以象國子監石經成除試將作監主簿不理選限辭不受故有是賜是當時寫經者不僅趙克繼楊南仲諸人也王氏昶金石萃編未著錄錢氏大昕金石文跋尾續畢氏沅中州金石記所見惟殘本周禮一種畢氏曾詢之開封學官是刻修學時已作瓿甌僅存周禮卷一至卷五數石於陳留耳宋史及玉海言書寫諸經皆無孟子

吳氏玉搢金石存云嘗見四大冊於吳門薄氏乃尚書周禮禮記孟氏文辨挾太山以超北海書超爲起之誤不言某經若干卷元時有修復汴梁石經之舉翟氏灝四書考異引李師聖記云汴梁舊有六經論語孝經石本殘缺漫剝參政也先帖木兒慨然以爲己任不數月復還舊觀孟氏七篇猶闕然欲增置而期會拘迫有司請爲後圖據此汴學初刊諸石卽有孟子在內宋史玉海不之及者其時亡佚已久王伯厚及修史諸公不復知有此石蓋其疏也李師聖所舉六經之外有論語孝經是九經尚屬未備宋以孟子升經並論語孝經爲三小經亦玉海所云六經之外增置三經是以得有九經之名周密癸辛雜識太學九經石板堆積如山乃其明證矣蓋宋自大中祥符間命孫奭作音義爲尊信孟子之始厥後仁宗刊石立學表章之功更大至晁公武郡齋讀書志詔宣和中席且知成都刊孟子以補孟蜀石經之缺殆因汴學而踵行之者歟此本紙墨精善其爲宋拓無疑李師聖旣未修復完具終元之世又不聞增置之議王伯厚徵引亦不及此則宋南渡後蓋已鮮有流傳傳者碎玉零璣幸而獲存可寶也夫咸豐八年歲在戊午立夏前一漢陽葉名澧跋於京寓之散夙好齋





1 | 2 | 3 | 4 | 5 | 6 | 7 | 8 | 9 | 10 | 11 | 12 | 13 | 14 | 15 | 16 | 17 | 18 | 19 | 20 | 21 | 22 | 23 | 24 | 25 | 26 | 27 | 28 | 29 | 30 | 31 | 32 | 33

Centimetres

Kodak Color Control Patches

© Kodak, 2007 TM: Kodak

Blue

Cyan

Green

Yellow

Red

Magenta

White

3/Color

Black

